

آدين آزادليقدير گؤيلومه دوشور

زيندان شعرلري

(اوين - پاييز- 1387)



سعيد موغانلي

## آدين آزادليقدير گؤيلومه دوشور

سئويملى قارداشيم، غلامرضا امانى حضرتلرينين اولو روحونا...

### اوين - پاييز - 1387

دووارلار اوز- اوزه گلير بو گنجه

دووارلار سؤز- سؤزه گلير بو گنجه

دووارلار گؤز- گؤزه گلير بو گنجه

بو گنجه دووارلار آراسيندايام.

\*

قارانليق قليبى اليه آير

شاعيرليك رۇيامى بئينه آير

گودو كچو شعريمى ديلينه آير

بو گنجه روحومون چاراسيندايام.

\*

يالقيزليق جيسمىمى قيلينجلاياركن

رؤيالار فيكرىمى سونوجلاياركن  
كىمى دانلاياركن، او سوچلاياركن  
بو گنجه دونيانين هاراسيندايام؟

\*

"بارازا" اورىم دارىخدى آخ ائى...  
"لوايى" بو گنجه اوياخدى آخ ائى...  
"امانى" شعرىمه قوناخدى آخ ائى...  
بو گنجه شعرىمين ياراسيندايام .

## 1

آدين آزادلىقدير گؤيلومه دوشور

آدنى تئور

ائديرلر

آدنى گودورلر

آدنى گوللهه ييرلر...

آدين ايلقارا سئوگىناز

ناظىم حىكمته « مانا »

آدینی قویاق خانیم ناز

علی کریم

حسین جاوید

میکاییل مشفیق

آدین مالکوم ایکس

لورکا

اوختای، زهتابی

آدین عاشیق ماهنیسی اوخونور

حسین جاوانین بوغازیندان

آدینلا دانیشیر فریدون ابراهیمی آذربایجانندان

آدین حلاجدیر کسسگ آتیرام

آدین نسیمیدیر سویولور مئیدانلاردا

گؤیلومون حلبینده سویوندوردوغوم گنجه تک

آدین شریعتمداریدیر فاناتلار بوغور

آدین من،

دوستاق

اٲوین ...

آدین لواییدیر گۆزوندن دوغولور

آدین زیبا کرباسیدیر یوخوما گیریر

آدین هئچ زاددیر

قوجاغیمدا لوله له نیر...

قان- تر ایچینده چالینیر

کسمه شیکسته آدین

آدین قاراچایدیر سورگونه اولور

سن بانئ چیچک،

شاصنم

سن گولگزسن شاه عاباسا زوررانیرسان

آدین دمو.....چولاردیر زینداندا یاتیر

آدین دمو کرات

آدین سئوگی، سئوگیناز

آدین سولمازدیر خزره محکوم

و بیر موغانلی شاعیردیر داماندا قالیب

.....  
آدين نازدير، آدين آز...

آدين آزاد، آزاد ناز،

آدين سيدجعفردير گويلومدن قاجير

آدين آزادليقدير گويلومه دوشور

آدিনি تئورر ائديرلر

آدিনি گودورلر

آدিনি گولله ليهيرلر...

آديندان موغايات اول جانيم!

...

2

بو گون 7-7-87

سوسياليست ياغيشلار ياغير

كاپيتاليست بير گونش شاخير

هاوا توتقون، هاوا نيهيليست

هر نه يثرينده جه پای-بؤلوش اولوب

منیم سئلولومدا نسه چاتیشمیر

### 3

أَحَبُّ دُنْدِيمِ ایت قاپدی منی

بوراخما اللریمی ساتن کؤینکلیم

اردبیل کوچه لرینده ایترم بیردن

یومما گؤزلرینی کتان کؤینکلیم

باخیشینین هاواسی باشیمدا گزیر

\*\*\*

سسینی توراغاییلار اوخویور

قاتارلار تورموز ائدیر

ماشینلار توی سیغنالی چالیر

سسینی شعیر یازیرام

سسینی سئویشیرم.

-باغیشلایین خانیم سسیزی ایتیرمیشم

سيزين موبايلىن نومرهسى زىندانانا دوشوب

آدينيز ساراين دوشلويونون جييينده گتتى

چايى توللانا بيلمهدى

عشقه ووردو اوزونو...

آدينيزى خان چوبان بازار آغزىندا

يئر آلمانا چورك ساتير .

آدينيزى ايستى سيميشقا چيرتداييرام

آدى نه ايدى ...سيزين؟؟؟

هه كلاسيك شعر، فلاش فيكشن

يوخ آد سيغمير ادبياتا

سسيزى ياشاييرام سادهجه

آخى سئلولوم كيچيكدى بير آز

سيز سيغيشميرسيز

يومروغومدا يئرلشن قليمه

يومروغوم آچيلسا

بوتون قزئتلر خبردن داشار

داشما سایدی آرپا چایی

داشما... داش...

\*\*\*

سسینی یاشاییرام اردبیل کیمی

سسینی "سحر"

"سحر- سحر باغا گیردیم"

باغیشلا خانیم "پیراتملیکدن بالیخلی" یا نئجه گئدیم من؟

آخی ساوالانی آشماغیم گلیر

سیزین سسیزی چوخدان گؤرموشم

تلفونوز زیندانا دوشموشدو منن

خوشوم گلیردی آدینیزدان

آدی نه ایدی... سیزین؟؟؟

تلفونوز دیلیمین اوجوندان

صیفیردن باشلانیردی

سیزینله "یاشماق" یم گلیر

یاشماق...

ياشاماق اولار

بو شهرده پولسوز؟

-كىم دئدى من اولموشم؟

هانسى يوسف خيال اوغلو؟

آى ائششگ اوغلو!

-سارايين دالييجا گتميشديم

قورخومدان چايى توللانماديم..!

-كىم لووا وئردى منى؟

من بارالاريمى ييغيشديرا بيلميرم خانيم

بوردان قبريستانا نئچه اولو سيغيشار؟

يانى ديريلر نئجه كئف چكىرلر ائهمال-ائهمال

بوردان ساوالانا نئچه...؟

گؤزلى ساعاتيز

سويىسىدى كوردوستان؟!.

يانى دئيرم من ساختا قلبدن باش چيخارديرام

الريزى وئرين اليمه

لوطفن

منى بىر يئره گۆتورون

خسته خانايا

ئوينيز ياخشىدى البتّه

نومره زى آيب قايدارام

سسيزى ايتيرميشم اينشيلدن

بوراخما اللريمى نه اولار

"سسين گلسين سارى بولبول"

منه بىر آدرسجىك سسين گلسين .

-سسيزين ائوه هانسى پلاك لازيمدى؟

هانسى خيابان، منى فخرى خيابانيندان

سيزه گتيرر؟

هانسى اوتوبوس؟

اوزوزو چؤندرين گوشه

بىر - ايكى - اوچ

تولازلانين منيمله دليليگى

سارای توللانديھا ...قاداسی ...

بس اوندا نومره زی وئرين

بیر شاعیر سیزی شعیرلنديریر

-من آزمیشام خانیم ناز

منی ائویزه،

پولیسه

آپارین.

نومره سی نه ایدی؟

ائوزین! قاپیسی! پولیسین!!

دانشین موبایلیم سسیزدن دولسون

بولوتوت ائدین اؤزونوزو لوظفن

باش اوسته یومدوم گؤزلیمی!..

"سسین گل سین باری بولبول"

\*\*\*

من عاشیقم وطن یاخشی

گئیمه یه کتن یاخشی کؤینک ایسته میرم

من سیزی گئی....یئمک ایسته بیرم

آجام

الریزی یئمهرم واللاه...

\*\*\*

قاشسیز اوزویومون قاشلیسیندان

جیییمده اولسایدی

بارماغیزا نه یاراشیر اوزوک

یوخدو منده اوز...

یانی دئمه لی سیز هارالیسیز؟

شورابیل سیزه اوخشاییر

سیز یوخ...

آخی تربیه سیزدی آتلاری

آغ بالیقلاری آنجاق

یانی سیز آغ بالیق

نئور گولو سیزدن

سیز گوزلسیز دئییرم مطلق

گئڻچكڻ

\*\*\*

اللىمى بوشلاسا، اللرىم توكولر هاللا

كىم يىغىشدىراجاق بو سويوقدا

بو قدر سئوگى بارماقلارنىن ايزلرنى.

دئىيرم هادير اولون

من اليزده قالارام

قالسام دا كى "پنجره دن داش گلير"

آى سانسور ائتدويم بير آزين

"آلاها دا خوش گلير"

آى منه بير زنگ ائله...

\*\*\*

منى راپور وئرمه گؤزلرينله

داما وئردير دامسىزام

سند گتير آدامسىزام

سن كى زىبا كرباسيدن ده گؤزلسن

نازپریدن ده، هم ده...

گوزوم گوزونون اویونجاغیدیر

بوراخما

بوراخما اللریمی نه اولور

اردبیل کوچه لرینده ایت قاپار منی

سسله آدیمی سسله

من؟ من؟

من گونش اوغلوپام خانیم سن آی ؟

آدینیز دیله - دیشه گلمیر

آدی نه ایدی سیزین؟؟؟

من سیزه گئدیرم

سیز هاچان گلیرسیز منی قوناق !.؟

من.... من.....من.....

نه دیلتن دئییم جوجه م

آی لایو آی آی

أَحِبُّ أَحِبُّ أَحِبُّ یا حیبی

قىزا سئويىوروم سنى

بالالى ....

گىتمه...

دايان ...

دور...

به ائششه يين قىزى

آخى سئويم سنى ...

4

باراز بير داغدى شاعير اولوب...

باغيشلا جناب!

من اولدوزومو اوغورلا تديرميشام

سيزين هوتئلده بخت اولدوزو تاپيلار؟

\*\*\*

-دئيرسن نه چييم؟

"دئيرسن شاعيرسن هانى غزلىن؟"

-اليميزه ايش وئره جك بو شعر

شعريمين نه ييندن قورخورسان؟

من غزل قوشا بيلميرم آخى!!!

بويور وينستون چرچيل چك آغا.

\*\*\*

دونن دوردنالا چاپيردى غزل چاپارلار

بيري هويكوردو ايمثيليندن:

-شاه عابباسين سارايندا يئر يوخدو گلهمه يين،

سولطان ماحمود الزايمر توتوب

بو هفته بازارا شعر گتيرمه سين شاعيرلر .

توختادين سن...

بيردن مسيح مارالاندان جالاندى

مشروطه پارکينا جان...

ستارخانين بئرنوسوندان آسيلدى مسيح

على موسيو گونشدن آسيلدى

ثقه الاسلام تحت الحنگيندن.

اود توتوب يانيردى گونش...

\*\*\*

بیردن دایاندى اولو اولولر

هاچان گوى مچیدده نامازا دوراجاق پیغمبر؟

هاچان به ارکی سؤکوب!، ائله، گؤل قاییراجاقلار؟

هاچان تبریز مترووسو بیزیم کنده گتیره جک

صمدخانی؟

کندیمیز کاتداسیز قالیب.

هاچان شعره قیزیناجاق

شهرین بوش بئکار فهله لری.

بیری بیزیم شاعیرلره بارماق ائله سین

عاغیل دیشیمیزه نه گلدی بیزیم؟

انّ الحق کان ذھوقا

بیر کؤووز دوشونجه سپین

شاعیر ساچلاریمیزین ژئلی کؤوشینه

بیری بایقوشو کیشله سین سیته لردن

پلاستىك ماسكلارى گۇتورون دوستلار

ايپك ياشماقلارين آرخاسيندان

گۇزله نسين قيزلار.

ميف دۇورونده كاغيد يوخايدى آخى

ياشماقلارا شعير يازيردى سئوگيلى قيزلار

ايندى قزئت آغا

ايندى ژورنال خانيم

ايندى ياشماق سيرا كيتابلارى

ايندى يالانچى آژانسلا

ايندى "گلدريم تاكسى" لر

طيبيل دۇهوللر فيلم اولوبدولار

ايندى جيبمimiz خبر مركزيدير

جيبمimiz باند

اجازه سيز - زادسيز

قيريلداييرلار

" -مئساژين وار ..."

زىبا كرىباسىنىن گۆگىل دوىغولارىنا

### بايقوش ساياقلاماسى

نە ساياقلايىرسان لالە؟

قىزا نە دانىشىرسان؟!.

ايندى "قونقاباشى"نى ياشاماق لازىم.

بىر شعر بوكوب نىفرتىمە

بو "اوين"دن سىنىن ائوينە

يول لا يىرام.

ايندى "نادىر" كىمىم، ايندى "ھادى"

ھدى دادا چات باجى

بىر يومروغا بىر شعر آغلايىرام

جىققىلى بىر يوسماجا اوشاق

کیتاب چینخاردیرام بورادا

هر یومروغا بیر کیتاب.

ائله بايقوشسيزلاميشام ياشماق-ياشماق

I love ziba – lale – fereshte

دیوارا یازیلیمیشدی بوردا

( ایکی مئتیرلیک سئلولومدا )

اوچونجوزو تانیمیرام

دوغرودان کیمدی او

آدی ملک کیمیدی...

اوچوز ده بورداسیز

خواجه حافظ ده

گودوکچو ده .

نه وار گوره سن بوردان ائشیکده ؟

گونش یئرینده دیر؟

آتامین کانسئری نئجولدو؟

کیتابلاریمیز نه حالدادی؟

بیر سیر دئییم:

-بیزیم شاعیرلر نئجه سئویرلر زیبانی

تکی تبریز لهجه سینی سئویرم بوردان

لهجه لرده یاشاماق اولورموش دئمه

وطن کیمیدی،

تن کیمیدی...

دئویرلر هر گون سئومیرسن دئییه

دئییرم باش اوسته

- آخی سئویرم !!!

6

سنی سئویرم ...

... سنی سئومیرم

سنی سئویرم ...

سنی سئومیرم ...

قورتاماسایدی بو تسبیح دنه لری .

سئوميرم يالقيزليغي سنسيز

سئويرم قالاباليغي سنينله يالقيز

يالقيزليغيم قالاباليغيندير " تربيت " آغزينا

" ارک " قاباغيندا

\*

من گؤزلىرين سعيده موغانليليغي

ياشيلدان ماوييه چالاركن يار

يار دئديم، يارديم اول نه اولار

الريم اوزانير ساچلارينا ... گونشين

ياندير منى ياخ

يار منى، آ...خ...

يا گؤزلىرين اولماسين يا دونيا

كئفيم بئله چكدى باخ!

بورجود اماميه دن واغزالا گل

"آلما آتديم نار گلدى

كتان كؤينك دار گلدى

قايپيا گۆلگه دوشدو

ائله بيلديم يار گلدی"

قير دويمه لرینی واغزالا گل

يانی ترمینالا گل

بیر جوت بیلیت آلمیشام

منی ده گۆتور تهرانا

" ائوین"ه گل، ائویمه گل .

بیر جوت گۆزلرینی

بیر جوت باشماقلارینی

بیر پاکات قهوه شوکولاتی

بیر جوت کیتاب گتی... یار

قوردلار و قارانقوشلار

ان سئودییم اینسانلار ...

7

سولماز تبریزلینین روحونا...

تربيت آغزىندان باشلانير دونيا

سن رسول رضائين رنگلريندن باشلانان كيمي

بوغدايا چالار اوزون

آلچايا گۈزلرين

ساچلارين هئيوايا...

\*

گۈزلريمدن چيخان ايت ديرسه ييدير غوربت

يوخلوغون ائله قارا- قانچيم ائله ييب منى

باديمجانا چالير گۈزلريمين آلتى

خيخديرير منى بو گۈنرتينين رنگى

كيريخديرير منى ارکه چالان بوخاغين

-يوخ كيمين تپيى گۈگسل گۈزلريمه چاتاركى

(غوربتدى كى سونجوق آتير هردن

هردن ائله جوگگولده بيرم،

جيققيريم چيخمير.)

اوزونه گتيرميرسن بو شوربا قيزديرمانى

ياناغينا ياغ تۆكولوب

بالديرينا بال

سنه ويزيلدايان آريلار بيلير نه دئيرم

منى فيلم ائله ييسن بيلديرن

گنى آديداسلاريني

سارى گنجه يايلىغيني

بو دفة ساريمانى

شاه اسماعيلين قبرى اوسته گۆزله بيرم

اماميهدن شيخ صفييه 4 ساعات يولدور،

4 ساعات شاها لووغاليق ائده جه يم،

4 ساعات صانديق تۆكه جه يم،

4 ساعات شاها شعر،

4 ساعات شاها ائلچى ...

نادیر ایلاهینین یاینلانمایان شعرلرینه دوشونرکن

جیردیر

جیر بوتون مکتوبلاریمی

اسپام بیلدیر

دئلئت ائله

\*

من داغدان گلیرم

چیشلریمیز یئملیک دستهلریمی یئدیلم

سنه من قالدیم.

سؤی منی

توپور گلدیییم یوللارا

سئو داغلاری اولورسا

داغ اول "سنده گوزوم قالب"

\*

کتدی داغدان گلیب باهار خانیم

او نادیر ایلاهینین یاز شاگیردیدی

شاهسئون گۆزونده قابارلارا باخ

دوداغيندا ياغ گتيريب

ديشينده يئمليك

ياغلان

ياغيشلان

ياغمالان

شَهَر قوراق كئچير .

9

كيم منه قوناق اولور؟

پلاستيك ليواندا سو سوزموشم

شامپو قابينا قند

بیر قوتو آناتا بیسکویتی

باشیمین اوستونده قارغا قاریلدار

\*

منه بیر چَرک گۆی اوزو گتیرسین

کیم منہ قوناق اولاجاقسا.

کیم منہ قوناق اولور بو گئجه؟

کیم منہ قوناق؟

کیم منہ یوخودا سلام وئریب دایاناجاق؟

کیم یوخوما گیره جک؟

گیرنده گؤزله سین قاپیم گؤدکدیر.

\*

کیم منہ سلام؟

کیمه سلام؟

کیم منہ سود، کیم منہ چای گتیره جک؟

کیم منہ چؤرک ایسته میرم،

آجلیقدایام

ایستر- ایسته مز.

منہ سلام لازیمدی

منہ گوی اوزو

کیم منہ اورک وئره جک؟

اورِیِم امامیہ دہ یادیمدان چیخیب.

کیمین منہ اورِی یانیر؟ آچیلجاق... سان...

کیم منہ قوناق اولور؟

بو سنللودا دؤیونور بیر اورک

قارقالاشیر بیرى

کیم منہ قار - قار - قار

کیم منہ قار - قار - قار

قار... قار... قار

11

تئلفون) دانیشیق )

-سالام مهربان...

-نئجه سن قاداسی؟

-من هاردایام کی؟

-من هئچ یئرده ییم، چوخ یاخشی ...

-کیمین گؤزو گؤتورمور گؤزو چارتداسین

-کۆینک ایسته میرم

اؤزونو بوک گؤندر بیر کیتاب آراسیندا.

-ناهارا سویا پلو، شاما سویا شورباسی

سحره سویا مورابباسی.

-یوخ باشیم شولو قدور

رومان اوخویورام، داریخیرام، شعر یازیرام

بیر آز دا آغلا بیرام...

-گونده دو ققوز ساعات یاتیرام

-بیر ساعات آییغام سنه شعر یازیرام

23 ساعات اویاغام سنه دوشونورم

-بیردن باشقاسینی سئوسن

کوسمه رم هاا سئو..!

-آخی منیم باشیم شولو خدو

-یوخ کیشیلر آغلاماز دئمیشلر

-نییه آغلا بیم کی...

-الو...

-الو...

-الو...

12

باخیرسان

سویونور گولوشلرین

باخیرسان

یویونور گۆزلرین

باخیرسان

من آسلاق قالیرام بوخاغیندان

تای – دیشیک دوشن سیرغا کیمی

باخما نه اولور

داغیتما گۆزلرینی دوشونجه مه

دوشون منی دوشونجه

دوش منی

دوشونوش منی

تكى يويونماغا سويوندورما دوشونجهنى

گوزوم گوزومون غيرتين چكىر ...

13

گوللندى شاباشلار

سپىلدى چىچىك

گوللهلندى سئوگى

سئويلدىيى تك.

گويا كى خاطيره اونودولماسين

ميخلاندى ديوارا

بىر دسته بىرچىك .

14

ساچلارى دولانباچ، گوزلرى ماويش

دوداغيندا ياز وار، سینه سينده قيش

اللى پلنگدير، اللى درويش

قارتالدى سيچرايىر قاهقاها دوغرو

\*

باغلارا ياس دوشوب قارا باغلايير

شاعير قوپوزلانير، شاعير آغلايير

بير آشيق مزاردان نفس چاغلايير

قشمدير اوزانير ايمرها دوغرو

\*

گئدير سحنه باني، اولور علسگر

بو دردي سادهجه فضولي چكر

كربلا قان آغلار، كربلا چؤكر

سئوگيناز يوكسه لير بير آها دوغرو

\*

آيا ال اوزاتديم، گونشي يولدوم

نيفرتدن بوشالديم سئوگييه دولدوم

من آدام اولماديم، من شاعير اولدوم

اوچورام گؤيلري آلاها دوغرو .

آتام

آتام سانجى چكندە اولمەمىشدى بىردن

ايندى آتام اوچ وعدە اولور چؤرك يئرینه

آتام شوکور ايچينده

سارى تىللى بوغدالاريميز دا...!

آتام گۆى اتلى سولطان.

او قدر آج قالدی کانسئر بوشالدىلدى معدەسىنه

او قدر دۇيوشدو عراق ساواشىندا

حاجيلار بورجا دوشوب مشهده گئتدى

لندنه اوچدو...

او قدر اوتاندىردى شلمچهنى

برادر آغا سارى قوچلاريميزى

قوربان دوغرادى..!

او قدر دۇيوشدو

هئچ كيم قورخوسوندان سلام وئرمەدى سرطانا

چاراسيز گئجه نامازی قیلدی

چاراسيز زنگ آچدی سردارا

-سلام آقای رئیس

-سلام آقای همسنگر

سيزين خسته خانادا معده آغريسينا

نه قدر رشوه وئرمه ليم؟

معهده مه پاتک ووروبلار قوربان

صداما گوجوم چاتيردی سرطانا يوخ...

\*

مکتوب یازدی آتام

سلام آقای میلیاردر

سلام آقای همسنگر

سلام حضرت اجل اکرم أفخم

کارخانازدا نگهبان ایسته میرسیز؟

باقی بقای حضرت عالی.

\*

آتمیزی - ایتیمیزی داریخما بوغدو

کیشنه شیردیلمر، اولاشیردیلمر

...سونرا اینه ییمیز سودون چوخالتدی بیردن

تویوقلاریمیز ایکی ساریلی

یومورتدادیلار.

قویونلاریمیز ائکیز دوغدولار.

ننه ناماز اوسته

شاه مقصود تسبیحینه دئدی:

یاخشی کی آجیندان اولمه دی

سون بئشیک بالام.

و داها سونرا...

مهره-مهره خرچلندی قیرمیزی تراکتوروموز.

\*

آتام مکتوب یازدی

مؤعجوز دیوانینین آراسینا قویدو

سلام آقای احمدینژاد

دونن قونشو كتدى عدالت

آجيندان اؤلدو!

عدالت سهمينه چاتمادى

كفن پولونا ايكي آناج قاز ساتدى

گوللوبه ييم خالا !..

...سونرا

حيدر بابانى اوجادان آغلادى

"ياخشىلىغى اليميزدن آلبيلار

ياخشى بيزى يامان گونه سالييلار"

\*

آتام مکتوب يازدى

سلام تانرى بى

سلام ايلاهى

نئجه سن قاداسى؟

خسته خاناندا بوش يئرین وار؟

داريخيرام والللاه...

داريخيرام

داريخ...

دار...

والسلام على من اتبع الهدى

موغان - يئل سويو

16

مهدي نعيمين داغ بويدا اورينه...

ايلاهي داغلاري هئچ داغ گورمه سين

قلبي وورغون كيمي، حوسنو داغلار جا

كؤچرى شه رلر نئجه سئومه سين

دره نى داغ كيمي، داغى داغلار جا

ايلاهي چايلاري ايچمه يه دوداق

داغلاري سئومه يه قوجاق اولايدي

شه رين ائولرى يووا حيطلى

بو شهر داغلارا قوناق اولايدي

دئيه سن داغلارين گوزو قانايب

دیسگینیردی گونش گون باتان چاغی

آی خانیم گنجهنین گوزون یالایب

سئویشیر گونشله ساوالان داغی

داغلارین قبلهسی هایاندی گورن

اوریی بو قدر چیلچیراقلیدیر

باکیره بولاقلار چیمیشیر چیلپاق

داغلارین کوریی داغا باغلیدیر

بو داغلار آلاهیین سئویکنهجهیی

قایالار بیر آشیق میتهککه سیدیر

بو یاللار علسگر سحنه بانسی

بو یووشان گولگزین توی دینگه سیدیر

اوجالیب گونشله سئویشیر گوندوز

گنجهلر کیملری قوجاقلاییرلار

تومان کؤینه یینی هاردان آسلایر

او خانیم بولاقلار، او کیشی داغلار .

قایدینا قالمیشیق گوره سن اونون

هر داشين داليندا بيز سئو شمشيك

نه قدر آلاها بورجوموز قالير؟

نه قدر داغلارين كشييينده بيك؟

مكتوب دا گوندریب، قوناق چاغيرير

يوللارين توزونا گوز ياشي جالير

داغلارين ياي ائوي هاي-هشير سالير

داغلارين قيش ائوي قوناقسيز قالير

بس داغين گوناھي نه ديركي آخي؟

داغين قاتيلدير داغا گلنلر

گون اولور مين دفة اود توتوب يانير

دره ده پلاستيک، داغدا گونلر

داغلار بابالارين دؤيوش سنگري

داغلار آنالارين سانجي يئريدير

چاي قيزيل مايداندي، داغ كهر يابي

بالديري بوسوتون قامچي يئريدير

جاددهلر داغلارين شالوار قايشي

گۆره سن باش آلب هانا گئدير

باغلايب چينينه قارى ياغيشى

بير ائكيز كۆرپه لى گنج آنا گئدير

هر داغين داليندا اصلى يويونور

هر داغين داليندا كرم جان وئير

هر داغين داليندا بير آشيق اولور

هر داغين داليندا آلاه آغلاير...

تهران-ئوين-پاييز 1387 -

---

يايملايان: آما يولو

[www.hbayat.com](http://www.hbayat.com)